

R 26

22

御纂醫宗金鑑卷九

編輯外科心法要訣目錄

下部

懸癰

穿襠發

跨馬癰

便毒

疔瘡

陰風瘡

腎囊癰

腎囊風

婦人陰瘡

臀部

顴口疔

坐黑癰



臀癰

上馬癰 下馬癰

涌泉疽

臍毒

痔瘡

坐板瘡

瘰癧

瘰癧

疔瘡

癰疽

疔瘡

御纂醫宗金鑑卷九

編輯外科心法要訣

下部


懸癰

懸癰毒生會陰穴初起蓮子漸如桃三陰虧損濕熱鬱潰久成病爲瘡勞

註

此證一名騎馬癰生於纂間係前陰之後後陰之前屏翳

穴卽會陰穴係任脈經首穴也初生如蓮子微癢多痛日久焮腫形如桃李由三陰虧損兼憂思氣結濕熱壅滯而成其色紅作膿欲潰若破後潰深久則成漏以致瀝盡氣



編輯外科心法要訣

血變爲瘡勞初起氣壯實尙未成膿小水澀滯者宜用九龍丹瀉去病根稍虛者仙方活命飲利去濕熱如法治之遇十證可消三四如十餘日後腫勢已成不能內消宜服托裏消毒散或托裏透膿湯自破如不破腫高光亮脹痛者用臥鍼開之穢膿一出其腫全消者順朝服六味地黄丸午服十全大補湯溫補滋陰又有過食膏粱厚味氣實者初服龍膽瀉肝湯潰服滋陰八物湯又有房勞過度羸弱者初服八珍湯潰服十全大補湯脾虛不食六君子湯日久成漏者國老膏化湯送服琥珀蠟礬丸外治法按癰疽潰瘍門當戒房勞怒氣魚腥發物慎重調理

九龍丹

木香

乳香

沒藥

兒茶

血竭

巴豆

不去油

等分爲末生蜜調成一塊磁盒收貯臨用時旋九豌豆大
每服九九空心熱酒一杯送下行四五次方食稀粥腫甚
者間日再用一服自消

方歌

九龍丹醫懸癰毒初起氣實膿未成木香乳沒兒茶竭巴

豆蜜丸酒服靈

滋陰八物湯

當歸

生地黃

白芍

酒炒

編輯外科心法去要

川芎

丹皮

花粉

澤瀉 五分

甘草節

水二鍾燈心五十寸煎八分食前服

大便秘者加蜜炒大黃一錢

方歌滋陰八物過膏梁懸癰已潰服此方四物丹皮花粉瀉草

節便秘加大黃

仙方活命飲

琥珀蠟礬丸

托裏消毒散

俱見腫瘍門

托裏透膿湯

見頭部
侵惱疽

六味地黃丸

見面部
雀斑

十全大補湯

八珍湯

六君子湯

即香砂六君子湯減去藿香砂仁
俱見潰瘍門

龍膽瀉肝湯

見腰部纏腰火丹

國老膏

見背部
丹毒發

穿襠發

穿襠毒發會陰前憂思勞傷濕鬱源焮痛紅順塌陷逆癆深漏

溺收欵難

註此證生於會陰穴之前腎囊之後由憂思勞傷濕鬱凝結

而成初起如粟漸生紅亮焮痛漫出稠膿者順若起如椒
子黑焦陷於皮肉之內漫腫紫暗並無焮熱痛連辜丸及
腰背肛門者逆此係皮囊空處凡生毒患宜速潰根淺但
遇根深遲潰腐傷尿管漏溺不能收斂者至險內治按懸
癰外治按癰疽腫瘍潰瘍門

跨馬癰

跨馬癰生腎囊旁重墜肝腎火濕傷紅腫焮痛宜速潰初治托
裏勿寒涼

註此證一名騙馬墜生於腎囊之旁大腿根裏側股縫夾空

中由肝腎濕火結滯而成初如豆粒漸漸腫如鶩卵陷墜

壅重色紅焮痛暴起高腫速潰稠膿者順苦漫腫平塌微熱微紅潰出稀膿者險多成串皮漏證此處乃至陰之下醫治不可過用寒涼初宜服仙方活命飲消之次服托裏透膿湯既潰之後內外治法俱按癰疽潰瘍門

仙方活命飲

見腫瘍門

托裏透膿湯

見頭部浸腦疽

便毒

便毒生於腿縫間忍精瘀血怒傷肝堅硬木痛寒熱作初汗次下灸之痊

註此證又名血疝又名便癰無論男女皆可以生發於少腹

之下腿根之上摺紋縫中經屬肝腎由強力房勞忍精不
洩或慾念不遂以致精搏血留聚於中途壅遏而成或爲
暴怒傷肝氣滯血凝而發初如杏核漸如鷺卵堅硬木痛
微熱不紅令人寒熱往來宜荆防敗毒散汗之若煩躁作
渴氣鬱者宜山甲內消散以消解之若過於堅硬大痛者
宜紅花散瘀湯舒通之前藥用之不應者宜九龍丹攻之
若無痛無熱則不可攻下宜陽燧錠日灸五七壯以或輒
或消或潰爲止膿勢將成不可強消宜黃耆內托散托之
甚虛者托裏透膿湯旣潰宜八珍湯十全大補湯補中益
氣湯因證用之外用五色靈藥撒之化腐煨膿兼琥珀膏

萬應膏貼之生肌斂口斯證潰後即名魚口因生於槽紋
縫中其瘡口潰大身立則口必合身屈則口必張形如魚
口開合之狀故有魚口之名但此毒係忍精不洩怒氣傷
肝而成至於生楊梅而兼有便毒者另詳註於楊梅門

紅花散瘀湯

紅花

當歸尾

皂刺 各一不

生軍 三錢

連翹 去心

蘇木

穿山甲

炙研

石決明

薑蠶 炒

乳香

貝母 各一不
去心研

黑牽牛 二錢

酒水各一鍾煎八分空心服行五六次方食稀粥補之

方歌紅花散瘀消堅硬便毒初起腫痛添歸刺軍翹蘇木甲石

決殭蠶乳貝牽

黃耆內托散

黃耆 二小

白朮 一土炒

當歸

川芎 各二小

金銀花

皂刺

天花粉 各一小

澤瀉

甘草 各五分

水二鍾煎八分食前服

方歌黃耆內托醫便毒腫盛不消托潰良白朮歸芎銀皂刺八

花瀉草力同助

荆防敗毒散 見項部 腦疽

山甲內消散 見腹部
中院疽

九龍丹 見前
懸癰

陽燧錠 見首卷
烙法

托裏透膿湯 見頭部
侵腦疽

八珍湯

十全大補湯

補中益氣湯

五色靈藥

萬應膏 俱見潰瘍門

琥珀膏 見頭部
髮際瘡

瘡瘡

瘡瘡統名有三原慾火未遂搜淋難房術塗藥痛癢紫光亮赤
腫梅毒慾

註此證統名瘡瘡又名妬精瘡生於陰前經二前陰者宗筋
之所主督經脈絡循陰器合篡間又云腎開竅於二陰者
瘡生於此屬肝督腎三經也其名異而形殊生於馬口之
下者名下瘡生莖之上者名蚌瘡莖上土瘡外皮腫脹包
裹者名袖口瘡瘡久而徧潰者名蠟燭瘡痛引辜丸陰囊
腫墜者名雞臆瘡痛而多癢潰而不深形如剝皮爛杏者
名瘙瘡生馬口旁有孔如棕眼眼內作癢捻之有微膿出

者名斂根疔生楊梅時或誤用薰擦等藥以致腐爛如曰
者名楊梅疔又有生楊梅時服輕粉水銀打成劫藥以致
便溺尿管內刺痛者名楊梅內疔諸疔原由有三一由男
子慾念萌動淫火猖狂未經發泄以致敗精濁血留滯中
塗結而爲腫初起必先淋漓溲溺澀痛次流黃濁敗精陽
物漸損甚則腫痛腐爛治當疎利肝腎邪火以八正散清
肝導滯湯生之一由房術熱藥塗抹玉莖洗擦陰器傲倖
不衰久頓不洩以致火鬱結腫初起陽物癢痛堅硬漸生
疔瘡色紫腐爛血水淋漓不時興舉治當洩火解毒以黃
連解毒湯蘆薈丸主之一由娼家婦人陰器瘡精濁氣未

淨輒與交媾以致淫精傳染梅毒初起皮腫紅亮甚如水
晶破流腥水麻癢時發腫痛日增治當解毒以龍膽瀉肝
湯主之次服二子消毒散外用大豆甘草湯洗之紅腫
熱痛以鯉魚膽汁敷之損破腐爛以鳳衣散旱螺散珍珠
散銀粉散回春脫疔散因證敷之惟楊梅疔與楊梅內疔
二證多服五寶散甚效

八正散

扁蓄

生軍 各一錢

滑石 二錢

瞿麥

甘草 生

車前子

梔子

木通 各一錢